

# LETËRA E APOSTULLIT PAUL MBË FILEMONË

## KAPTINA I.

<sup>1</sup> Pauli i lidhuni Iesu Krishtit, edhe Timotheu vëllai, mbë Filemonë të dashunin' edhe punëtorinë shoqinë t'anë,

<sup>2</sup> edhe mbë Apfinë të dashëmenë, edhe mbë Arhippinë ushtëtorinë shoqinë t'anë, edhe mbë kishënë ndë shtëpi tande:

<sup>3</sup> *qoftë* mbë ju hir edhe paqtim prei Atit Perëndisë t'ynë, edhe *prei* Zotit Iesu Krisht.

<sup>4</sup> I falem ndersë Perëndisë t'em, tue prumë ndër mend tyi përherë ndë të falunat e mia,

<sup>5</sup> sepse ndëgjova për dashuninë tande edhe për besënë qi qe mbë Zotinë Iesu, edhe mbë gjithë shenjtënit,

<sup>6</sup> qi të bahetë me punë piesa e besësë s'ate mbë të ngjofëmen' e qish do farë të mire qi ashtë ndër ju, mbë Iesu Krishtinë.

<sup>7</sup> Sepse kemi shumë gëzim edhe ngushillim për dashuninë tande, sepse zemërat' e shenjtënavet janë prajtunë për tyi, o vëlla.

<sup>8</sup> Përandai ndonëse kam shumë sy e faqe mbë Krishtinë me të urdhënuem tyi për ate qi duhetë,

<sup>9</sup> *por* për dashuninë ma shumë *të lutem*, tue qenun' i këtilli, si Pauli plak, por tashti edhe i lidhuni i Iesu Krishtit.

<sup>10</sup> Të lutem për dialinë t'em Onesiminë, qi e polla ndër hekurat e mia,

<sup>11</sup> i cilli njiherë qe i pavëjeshim për tyi, por tashti asht' i vëjeshim për tyi edhe për mue,

<sup>12</sup> ate po e dërgoj prap. Edhe ti ate, due me thanë, zemërënë t'eme, prite.

<sup>13</sup> Unë desha ta mba ate për-anë vetiut t'em, qi të më shërbejë ndë vend teje, ndë hekurat t'ungjillit,

<sup>14</sup> por nukë desha me bamë gja pa mendienë tande, qi të mos bahet'e mira jote prei nevojësë, por prei të dashunit.

<sup>15</sup> Sepse vallë druese përandai u da për këte herë, qi ta kesh ate për gjithë jetënë.

<sup>16</sup> Jo ma si shërbëtuer, por përmbi shërbëtuer, vëlla të dashunë, ma fort prei meje, edhe sa ma shumë prei teje, si mbë punë të mishit, edhe mbë të Zotit.

<sup>17</sup> Ndë më ke pra piesëtar, prite ate porsì mue.

<sup>18</sup> Edhe ndë *qoftë* se të ka bamë ndonji punë pa udhë, a të ka detyrë, këte numëroje mbi mue.

<sup>19</sup> Unë Pauli shkrova me dorënë t'eme, unë kam për të lamë, qi mos të thom, se me kë detyrë edhe vetëhenë tande.

<sup>20</sup> Po, o vëlla, makarë të marr prei teje unë këte të mirë mbë Zotinë, prai zemërënë t'eme mbë Zotinë.

<sup>21</sup> Tue pasunë shpëresë mbë ndëgjiminë tand shkrova te ti, sepse e dij se ke me bamë edhe ma tepërë se qish thom.

<sup>22</sup> Me gjithë këto më ban gati edhe vend për me ndenjunë, sepse shpërej se me anë të falunavet tueja do t'epen dhunëti te ju.

<sup>23</sup> Të faletë me shëndet Epafrau robi shoqi em mbë Iesu Krishtinë,

<sup>24</sup> Marku, Aristarhu, Demai, Luka, punëtorëtë shokët' e mi.

<sup>25</sup> Hiri i Zotit t'ynë Iesu Krishtit *qoftë* bashkë me shpirtinë tuei. Amen.  
(Letëra) mbë Filemonë u shkruë kah Roma, (e u dërgue) me anë te Onesimit shërbëtorit.